

# CADANGAN KORPORAT

## EKUITI

### Permohonan Diluluskan

Pada tahun 2025, SC telah meluluskan 21 permohonan ekuiti, dengan 16 daripadanya melibatkan tawaran awam permulaan (IPO) di Pasaran Utama Bursa Malaysia, dengan jumlah permodalan pasaran sebanyak RM82.88 bilion. Anggaran jumlah dana yang dijana daripada IPO tersebut adalah sekitar RM20.40 bilion (Jadual 1). Permohonan selebihnya yang diluluskan merangkumi satu cadangan pengambilalihan yang mengakibatkan perubahan ketara terhadap arah atau dasar perniagaan, serta empat pemindahan penyenaian dari Pasaran ACE ke Pasaran Utama.

### Penyenaian Baharu

Terdapat 60 penyenaian baharu pada tahun 2025, merangkumi 11 di Pasaran Utama, 44 di Pasaran ACE dan lima di Pasaran LEAP, dengan jumlah permodalan pasaran bernilai RM27.42 bilion. Jumlah dana yang berjaya dikumpulkan daripada penyenaian baharu ini pada tahun 2025 adalah kira-kira RM5.96 bilion.

#### JADUAL 1

##### Permohonan ekuiti diluluskan mengikut jenis cadangan

| Jenis cadangan  | 2025                     |                                   | 2024                     |                                   |
|---|--------------------------|-----------------------------------|--------------------------|-----------------------------------|
|   | Bil. cadangan diluluskan | Anggaran amaun dikumpul (RM juta) | Bil. cadangan diluluskan | Anggaran amaun dikumpul (RM juta) |
| IPO di Pasaran Utama:                                   |                          |                                   |                          |                                   |
| – Syarikat domestik                                     | 14                       | 20,200.23                         | 10                       | 4,696.78                          |
| – Penyenaian Sekunder                                   | 2                        | 198.00                            | -                        | -                                 |
| Penstrukturan Semula / Penggabungan dan Pengambilalihan | 1                        | 34.80                             | 1                        | -                                 |
| Pemindahan dari Pasar ACE ke Pasar Utama                | 4                        | -                                 | 10                       | -                                 |
| <b>JUMLAH</b>   | <b>21</b>                | <b>20,433.03</b>                  | <b>21</b>                | <b>4,696.78</b>                   |

## BON KORPORAT DAN SUKUK

Pasaran bon korporat dan sukuk Malaysia mencatat jumlah terbitan sebanyak RM176.78 bilion pada tahun 2025, mewakili peningkatan 42.39% berbanding RM124.15 bilion yang diterbitkan pada tahun 2024. Terbitan dalam denominasi mata wang asing berjumlah AS\$1.36 bilion.

Kemudahan\* bon korporat dan sukuk berdenominasi ringgit terus membentuk majoriti cadangan yang diluluskan oleh/diserahkan kepada SC dengan jumlah nilai nominal RM257.06 bilion, yang mana 40.91% atau RM105.15 bilion merupakan sukuk (Jadual 2).

Jumlah kemudahan bon korporat dan sukuk berdenominasi ringgit yang diluluskan oleh/diserahkan kepada SC dengan tempoh matang antara satu hingga tujuh tahun serta melebihi 15 tahun masing-masing menurun 34.78% dan 3.45%. Terdapat peningkatan 140% dalam jumlah kemudahan bon korporat dan sukuk berdenominasi ringgit dengan tempoh matang antara lapan hingga 15 tahun (Carta 1).

\* Kemudahan mungkin merujuk kepada program atau pengeluaran sekali sahaja.

**JADUAL 2**

Kemudahan bon korporat dan sukuk berdenominasi ringgit yang diserahkan/diluluskan


| Jenis kemudahan  | 2025           |                         | 2024           |                         |
|--|----------------|-------------------------|----------------|-------------------------|
|  | Bil. kemudahan | Amaun nominal (RM juta) | Bil. kemudahan | Amaun nominal (RM juta) |
| <b>Bon korporat</b>  |                |                         |                |                         |
| – Kertas komersial/ Nota jangka sederhana/Bon                  | 25             | 63,226.00               | 22             | 48,450.00               |
| – Stok pinjaman  | 2              | 1,192.41                | 1              | 354.00                  |
| <b>Jumlah kecil</b>  | <b>27</b>      | <b>64,418.41</b>        | <b>23</b>      | <b>48,804.00</b>        |
| <b>Sukuk</b>   |                |                         |                |                         |
| – Kertas komersial Islam/Nota jangka sederhana Islam/Bon Islam | 49             | 102,645.00              | 61             | 115,585.00              |
| – Stok pinjaman Islam  | 1              | 2,500.00                | -              | -                       |
| <b>Jumlah kecil</b>  | <b>50</b>      | <b>105,145.00</b>       | <b>61</b>      | <b>115,585.00</b>       |
| <b>Gabungan bon korporat dan sukuk</b>                         |                |                         |                |                         |
| – Nota jangka sederhana/Nota jangka sederhana Islam            | 4              | 82,500.00               | 2              | 1,500.00                |
| – Kertas komersial/kertas komersial Islam                      | 2              | 5,000.00                | -              | -                       |
| <b>Jumlah kecil</b>  | <b>6</b>       | <b>87,500.00</b>        | <b>2</b>       | <b>1,500.00</b>         |
| <b>JUMLAH</b>  | <b>83</b>      | <b>257,063.41</b>       | <b>86</b>      | <b>165,889.00</b>       |

Pada tahun 2025, sebanyak 54 penarafan telah diberikan oleh agensi penarafan kredit kepada kemudahan bon korporat dan sukuk berdenominasi ringgit yang diserahkan kepada SC, berbanding 56 penarafan pada tahun 2024. Bilangan kemudahan tanpa penarafan meningkat 1.96% berbanding tahun 2024 (Carta 2).

Terdapat empat kemudahan bon korporat berdenominasi mata wang asing dengan jumlah nilai nominal AS\$22 bilion dan RMB10 bilion, serta satu kemudahan sukuk berdenominasi mata wang asing dengan jumlah nilai nominal AS\$45 bilion yang diserahkan kepada SC pada tahun 2025, berbanding dengan satu kemudahan sukuk berdenominasi mata wang asing dengan jumlah nilai nominal sebanyak AS\$35 bilion yang diterbitkan pada tahun 2024.

**CARTA 1**

Tempoh matang bagi kemudahan bon korporat dan sukuk berdenominasi ringgit yang diserahkan/diluluskan




Nota:  
Tempoh kemudahan, dan bukan nota atau kertas masing-masing di bawah kemudahan tersebut.


**CARTA 2**

**Ringkasan penarafan kemudahan bon korporat dan sukuk denominasi ringgit yang diserahkan/diluluskan**

**Penarafan jangka panjang**



**Penarafan jangka pendek**



**Nota:**

Sesuatu kemudahan bon korporat atau sukuk boleh diberikan lebih daripada satu penarafan kredit (contohnya bagi program kertas komersial/nota jangka sederhana, kedua-dua penarafan jangka pendek bagi kertas komersial dan penarafan jangka panjang bagi nota jangka sederhana diambil kira).